

ჩემი გაზეთი

ბაღდათის მუნიციპალიტეტი, ა. (ა.) ი. ვ. ხელოვნებისა და ხალხურის განვითარების ცენტრი

ბაღდათის ზეცა – სურის ეკოლოგია

ბაღდათის მუნიციპალიტეტში საერთაშორისო ეკო-ხელოვნების ფესტივალი „ბაღდათის ზეცა – სურის ეკოლოგია“ გაიმართა, რომელიც ვლადიმერ მაიაკოვსკის 125 წლის იუბილეს ეძღვნებოდა. ფესტივალი ერთი კვირის განმავლობაში მიმდინარეობდა და ოფიციალურად 8 ოქტომბერს გაიხსნა. საერთაშორისო ფესტივალის ფარგლებში ბაღდათში სხვადასხვა შემოქმედებითი ღონისძიება გაიმართა. ვლადიმერ მაიაკოვსკის სახლ-მუზეუმს უცხოელ შემოქმედებთან ერთად მაიაკოვსკის ლიტერატურული პრემიის ლაუ-

რეატი მწერლები და მთარგმნელები სტუმრობდნენ, რომელთა მონაწილეობითაც სალონური შეხვედრა მოეწყო. ფესტივალის ფარგლებში მუნიციპალიტეტს გერმანიიდან და რუსეთიდან მოქანდაკეები, მხატვრები, ხეზე და ქვაზე კვეთის ოსტატები სტუმრობდნენ. ისინი, ერთი კვირის განმავლობაში, მუშაობდნენ და ხელოვნების ნიმუშებს ქმნიდნენ. უცხოელ სტუმრებს საორგანიზაციო ჯგუფმა ვლადიმერ მაიაკოვსკის სახლ-მუზეუმში უმასპინძლა და ბაღდათის ღირსშესანიშნაობები გააცნო. ვლადიმერ მაიაკოვსკის

125 წლის იუბილესადმი მიძღვნილი საერთაშორისო ეკო-ხელოვნების ფესტივალი „ბაღდათის ზეცა – სურის ეკოლოგია“ 12 ოქტომბერს ბაღდათის ტრადიციული სახალხო დღესასწაულით დაიხურა. „ბაღდათობა 2018“ მრავალფეროვანი ღონისძიებებით აღინიშნა. მთელი დღის განმავლობაში ქალაქის ცენტრში გამოფენილი იყო ფესტივალის მონაწილეებისა და მოსწავლე-ახალგაზრდობის სახლის აღსაზრდელების მიერ შესრულებული ნამუშევრები, ადგილობრივმა მეღვინეებმა კი თავიანთი ნაწარმი წარმოადგინეს. ცენტრალურ მოედანზე გაიმართა სპორტული შეჯიბრებები ჭადრაკში, მკლავჭიდასა და ჭიდაობაში. პატარებისთვის ფუნქციონირებდა საბავშვო-გასართობი ატრაქციონები. ბაღდათის დღესასწაული გალაკონცერტით დასრულდა, სადაც ბაღდათის 5 საპატიო მოქალაქე დაჯილდოვდა. 13 ოქტომბერს ბაღდათის მუნიციპალიტეტში ნატურალური პროდუქტების



ფესტივალი გაიმართა, სადაც მონაწილე იყო მუნიციპალიტეტის თითოეული სოფლის ეთნოგრაფიული კუთხე და იმერული სამზარეულო. ფესტივალის ქართველ და უცხოელ სტუმრებს შეეძლოთ იმერული კერძები და ღვინოები დაეგემოვნებინათ. ფესტივალის ფარგლებში ბაღდათში მცხოვრებმა მეღვინეებმა სხვადასხვა ყურძნის ჯიშებისგან დაყენებული თეთრი და წითელი ღვინოები წარმოადგინეს. კომპეტენტურმა ჟიურმა, რომელიც ქუთაისის ეროვნული აკადემიის წევრებისგან იყო დაკომპლექტებული, გამარჯვებული მეღვინეები გამოავლინა.

დასრულებული და მიმდინარე ინფრასტრუქტურული პროექტები

2018 წელს ბაღდათის მუნიციპალიტეტში რეგიონებში განსახორციელებელი პროექტების ფონდიდან (რგპფ) 8 პროექტი დაფინანსდა, რომელთა სახელშეკრულებო ღირებულება 3 848 035 ლარს შეადგენს. 5 პროექტზე სამუშაოები უკვე დასრულებულია. ესენია: სოფ. პირველი და მეორე ოზნის ზესტაფონის მუნიციპალიტეტის სოფ. როდინოულთან დამაკავშირებელი საავტომობილო გზის; სოფ. პირველ ოზნაში მთისძირისკენ მისასვლელი ს/გზის; ბაღდათი-საკრაულას ადგილობრივი მნიშვნელობის ს/გზის; სოფ. ფერსათიდან სალხინოს ეკლესიასთან მისასვლელი გზისა და სოფ. დიმში, მამუკაშვილების შესახვევიდან ეკლესიამდე მისასვლელი გზის რეაბილიტაცია. მათგან გარდამავალია და მომდევნო წელს დასრულდება სოფ. პირველ ოზნაში მთისძირისკენ მისასვლელი ს/გზისა და სოფ. დიმში, მამუკაშვილების შესახვევიდან ეკლესიამდე მისასვლელი გზის რეაბილიტაცია. ამ ეტაპზე სამუშაოები მიმდინარეობს 3 ობიექტზე, ამათგან ერთი – სოფ. კაკასხიდიდან სოფ. ხანამდე მისასვლელი ს/გზის რეაბილიტაცია გასულ წელს დაიწყო და წელს დასრულდება, ხოლო ორი პროექტი – სოფელ ზედა დიმში ე.წ. წყაროს უბნისა და სოფელ დიმში წერგაძეების უბანში საავტომობილო გზების რეაბილიტაცია 2018 წლის მეორე ნახევარში დამთავრდება და სამუშაოები წლის ბოლომდე უნდა დასრულდეს.

საქართველოს მთავრობის განკარგულებით, გასული წლის ოქტომბრის სტიქიის (წვიმა) შედეგად დაზიანებული ინფრასტრუქტურული ობიექტების სარეაბილიტაციო სამუშაოების განხორციელებისათვის გამოიყო 1 700 000 ლარი. გარკვეული პრობლემების მიუხედავად, რომელიც გამოწვეული იყო პროექტანტის მხრიდან, 2018 წლის პირველ ნახევარში სამუშაოები განხორციელდა 7 ობიექტზე, მათმა საერთო ღირებულებამ 107 000 ლარი შეადგინა. დღეის მდგომარეობით ხელშეკრულებები გაფორმებულია მილიონ ლარზე მეტი ღირებულების სამუშაოებზე. მიმდინარე წელს სტიქიის შედეგების სარეაბილიტაციო სამუშაოები დაგეგმილია 46 ობიექტზე, რომლებიც, ტენდერების განხორციელების შემთხვევაში, სრულად იქნება რეაბილიტირებული.



ინფორმაციის მისაღებად „ჩემი გაზეთის“ გუნდი ბაღდათის მუნიციპალიტეტის მერიის ინფრასტრუქტურისა და სივრცითი მოწყობის სამსახურის უფროსს კახა მსხვილიძეს ესაუბრა.

ანა ძორიძე

საწყისი ბეჭდვითი

ელისე ფორჩხიძე დაიბადა ბაღდათში 1929 წელს. პროფესიით არის ინჟინერ-მეტყვე. ინსტიტუტის დამთავრებისთანავე დაინიშნა საირმის სატყეო მეურნეობაში, სადაც 7 წელი დაჰყო. ამ პერიოდში გარდაიცვალა ბაღდათის სატყეო-მეურნეობის მაშინდელი უფროსი და ბატონი ელისე მთავარ მეტყვევად გადმოიყვანეს. საუბრისას ის ამბობდა, რომ ბაღდათის რაიონში არსებული სახლების უმეტესი წილი მისი მუშაობის პერიოდში აშენდა და, შესაძლებლობის ფარგლებში, ყველას ეხმარებოდა. ბაღდათის კულტურის სახლის მშენებლობაზე კი, მისი უშუალო ხელმძღვანელობით მიიტანეს დაახლოებით 200 მ³ ნაბლის ჯიშის მასალა. წარმატებული მუშაობის გამო მინისტრმა სატყეო-მეურნეობის სამინისტროში მთავარ ინჟინრად დანიშნა, ხოლო 2 წლის შემდეგ თბილისის ზღვაზე დირექტორის მოადგილედ გადაიყვანა. ამ სფეროში ნახევარ საუკუნეზე მეტი იმსახურა. მეუღლე უკვე 22 წლის გარდაცვლილია, ჰყავს 6 შვილი, 6 შვილიშვილი და 7 შვილთაშვილი. გურამ ჩხეიძე 1953 წლის 23 იანვარს დაიბადა მეორე ოზნაში, იქვე დაამთავრა საშუალო სკოლა და იმავე წელს (1969) ჩაირიცხა საქართველოს სუბტროპიკული მეურნეობის ინსტიტუტში მეღვინეობის ფაკულტეტზე. 1974 წლის თებერვალში განაწილებით მოხვდა ყოფილი წულუკიძის (ხოვის) რაიონში „წულუკიძის ჩაის მეურნეობაში“, სადაც პატიმრები მუშაობდნენ, ჩააბარეს ორი ბრიგადა. მისი თქმით, ყველაზე პატიოსანი სამჯერ ნასამართლევი იყო ყაჩაღობაზე. ორთვიანი მუშაობის შემდეგ სამხედრო


სამსახურიდან მიიღო უწყება და სახალხში, ქალაქ პეტრე-პავლოვ სკამჩასტკში გაინიშნა. იქიდან დაბრუნების მერე ისევ ხონში, სოფელ ახალბედისეულში დაბრუნდა მთავარ აგრონომად. ერთი წლის თავზე სოფლის მეურნეობის სამმართველოში გადავიდა მთავარ მეღვინეად, შემდეგ პარტიული კუთხით მოხვდა ხონის კომკავშირის რაიკომის მესამე მდივანად, ერთ წელიწადში მეორე მდივანად, ხოლო 3 წელი პირველ მდივანად იმუშავა. შემდეგ იყო ბაღდათის შინაგან საქმეთა განყოფილება – შინაგან საქმეთა რაიგანყოფილების მოადგილე პოლიტდარგში, მერე გადავიდა მოადგილედ ოპერატიულ დარგში, მოგვიანებით კი მოადგილედ კადრების დარგში. 1991 წლის დასაწყისში სამაჩაბლოში, საომარი მდგომარეობის გამო, მას და ბაღდათის განყოფილების 20 თანამშრომელს ცხინვალში, სოფელ თამარაშენში მოუწია დაბანაკება და, ორი კვირის განმავლობაში, ალყაში იმყოფებოდნენ. მალევე შეიქმნა სამხარეო ადმინისტრაციული აპარატი გენერალ ბუცხრიკიძის მეთაურობით, მან ბატონი გურამი პირადი ინიციატივით კადრებში ნაიყვანა მოადგილედ. ამის შემდეგ იყო მის ცხოვრებაში უმძიმესი პერიოდი – აფხაზეთის ომი. საუბრის ამ მონაკვეთში ჩვენი რესპონდენტი უზომოდ ნაღვლიანი იყო, ტკივილით იხსენებს მის გვერდით დახრილი 19-20 წლის საოცრად ნიჭიერ, გამორჩეულ ბიჭებს. ორგანიზებული დანაშაულისა და ტერორიზმის წინააღმდეგ მებრძოლი

გაბრიელა მ-2 33.

დასახელები 1 გვ. 2

მეექვსე სამმართველო ახალშექმნილი იყო მოადგილედ რომ დაინიშნა მუშაობა და, მისი თქმით, 6 თვე მესტიის, ლენტეხის, რაჭისა და გურიის მთებიდან ფაქტობრივად არ გამოუსულა. მერე იყო ქუთაისში, ავტოქარხნის პოლიციის უფროსად, შემდეგ დაინიშნა ბაღდათის პოლიციის უფროსის თანამდებობაზე, სადაც სამი წელი იმუშავა და ისევ ქუთაისის ავტოქარხნის პოლიციის უფროსად გადავიდა. 2003 წელს, ქ. ქუთაისში, საიდუმლო განყოფილებაში აგენტურის განყოფილების ხელმძღვანელად იმუშავა. 2004 წელს გავიდა პენსიაში. 2007-2008 წლებიდან ჩაერთო აქტიურ პოლიტიკურ მოღვაწეობაში. იგი უკვე მეორედ გახდა ბაღდათის საკრებულოს წევრი. 2005 წელს ჩამოაყალიბა საზოგადოება „თეთრი გვარდია“, წევრები წელიწადში ორჯერ ერთმანეთს ხვდებიან და გარდაცვლილების საფლავებზე სანთელს ანთებენ. ჰყავს მეუღლე და ორი შვილი, შვილიშვილები. ქალიშვილი ექიმი, ვაჟი კი იურისტი. ბატონი გურამი „საპატიო ბაღდათელობას“ ყველაზე დიდ ჯილდოდ აღიქვამს და მთელი გულით გამოხატავს მადლიერებას თითოეული ბაღდათელის მიმართ.

იუზა კობოძე დაიბადა 1937 წელს ბაღდათის რაიონის სოფ. ქვედა ზეგანში. 1955 წლიდან 1958 წლამდე მუშაობდა კოლმეურნეობაში კოლნევრად, 1959 წლიდან ჩაირიცხა საქართველოს სუბტროპიკული მეურნეობის ინსტიტუტში, სწავლის პერიოდში პარალელურად დაამთავრა სოხუმის საქალაქო კომიტეტთან არსებული ორწლიანი უნივერსიტეტი ეკონომიკის განხრით. 1963 წელს დაინიშნა ინსპექტორ-ორგანიზატორად. 1964 წლის იანვრიდან 1966 წლის ივნისამდე მუშაობდა სოფ. ზეგნის ჟდანოვის სახელობის კოლმეურნეობაში თავმჯდომარედ. 1966 წლიდან მუშაობა დაიწყო საკავშირო-სამეცნიერო კვლევითი ინსტიტუტის სოხუმის ფილიალში ტექნოლოგიის განყოფილების გამგედ. 1983 წელს დაიცვა დისერტაცია და მიენიჭა ტექნიკურ მეცნიერებათა კანდიდატის ხარისხი. 1988 წელს მიიღო უფროსი მეცნიერ-მუშაკის დიპლომი, სადაც მინიჭებული აქვს უფროსი მეცნიერ-მუშაკის დოცენტის წოდება. გამოქვეყნებული აქვს 6 სამეცნიერო ნაშრომი სოფლის მეურნეობის სპეციალისტთა და



სტუდენტთა დასახმარებლად, 36 – რეკომენდაცია. იყო საზოგადოება „ცოდნის“ ლექტორი, საქ.კპ. აფხაზეთის საოლქო კომიტეტის კონტროლის პალატის შტატგარეშე ინსპექტორი. ეწეოდა პედაგოგიურ მუშაობას საქ. სუბტროპიკული მეურნეობის ინსტიტუტში, ტექნოლოგიის კათედრაზე. 1993 წლიდან 2006 წლამდე მუშაობდა ნ.ნ. სახ.მრავალპროფილიანი აკადემიის ბაღდათის ინსტიტუტის რექტორად. საქ. აგრარულ მეცნიერებათა აკადემიის სამეცნიერო საბჭოს 1998 წლის 12 მაისის დადგენილებით მინიჭებული აქვს პროფესორის წოდება. ჰყავს მეუღლე-ლამარა სამხარაძე, ბიოლოგ-მეცნიერებათა კანდიდატი, ორი ქალიშვილი, ერთი ექიმი-გინეკოლოგი, მეორე იურისტი. ვაჟი, ან გარდაცვლილი და-ვის კობოძე, პროფესორი იურისტი, აფხაზეთის ომის მინაწილე იყო.

ვიტალი ყიფიანი დაიბადა 1937 წლის 5 აპრილს ბაღდათის რაიონის სოფელ მეორე ფერსათში. მამა, ზოსიმე ყიფიანი, რესპუბლიკის დამსახურებული პედაგოგი, ლენინისა და შრომის წითელი დროშის ორდენების და სხვა მრავალი მედლების კავალერი, დედა – ვერა ნიჟარაძე, დამსახურებული პედაგოგი, რუსული ენისა და ლიტერატურის მასწავლებელი. მან საშუალო სკოლა ფერსათში დაამთავრა და ქუთაისის პოლიტექნიკურ ინსტიტუტში ჩაირიცხა, 1977 წლამდე მუშაობდა სხვადასხვა საპასუხისმგებლო თანამდებობაზე, 1977 წლიდან ოჯახთან ერთად საცხოვრებლად უკრაინაში გადავიდა, იქვე დაამთავრა ტექნოლოგიური ინსტიტუტი და მუშაობდა პროფესორად.




მიუხედავად იმისა, რომ უკრაინაში ცხოვრობდა, მშობლიურ რაიონთან კავშირი არ გაუნწყვეტია, უკრაინაში ქართული სათვისტომოს აქტიური წევრი იყო. მისი მონაწილეობითა და თაოსნობით მრავალი ღონისძიება ჩატარდა, დაჯილდოებულია სხვადასხვა სამსახურო საჩუქრებით. მან და მისმა ოჯახმა, სოფელ ფერსათში ააშენა წმინდანის – დიმიტრი ყიფიანის სახელობის მონასტერი. ბატონი ვიტალი საცხოვრებლად მშობლიურ კერას დაუბრუნდა, ჰყავს ორი შვილი, ოთხი შვილიშვილი და 1 შვილთაშვილი. ბატონ **ზურაბ მსხვილიძესთან** გასაუბრება სამუხაროდ ვერ მოხერხდა, რადგან ამჟამად თბილისში ცხოვრობს. იგი დაიბადა 1944 წლის 1 ოქტომბერს. დაამთავრა მოსკოვის მილიციის უმაღლესი სკოლა სამართალმცოდნეობის განხრით. 1967 წელს სა-



კოლმეურნეობათაშორისო სამშენებლო საბჭოში დაინიშნა მუშაობა. 1974 წელს აჭარის შინაგან საქმეთა სამინისტროს ოპერატიულ სამსახურში ინსპექტორად, შემდგომ უფროს ინსპექტორად და მალევე განყოფილების უფროსად დაინიშნა. 1986-1990 წლებში სისხლის სამართლის სამძებრო სამსახურის უფროსი იყო. 1991-92 წლებში მილიციის უფროსი. 1994 წელს განსაკუთრებულ საქმეთა უფროსი ინსპექტორი, 1995 წელს კი სამმართველოს უფროსის მოადგილედ მუშაობდა. 1996-99 წლებში დაზვერვის მთავარი სამმართველოს უფროსად გადაიყვანეს. 1999-2004 წლებში პარლამენტში ბაღდათის მაჟორიტარი წევრი იყო. 2001 წელს მიიღო სახელმწიფო ჯილდო „მხედრული მამაცობისათვის“.

აზა მახანიაშვილი

მეჩაბ კოსტავა – საქართველოს ქვეყნის გმირი



1989 წლის 13 ოქტომბერი მერაბ კოსტავას გარდაცვალების დღეა, ამიტომ საჭიროდ ჩავთვალეთ „ჩემი გაზეთის“ ოქტომბრის ნომერში ამ გამოჩენილ პიროვნებაზე დაგვეწერა. საქართველოს ისტორიის ყველა ეპოქაში იყო გამორჩეული პიროვნებები, რომლებმაც შეცვალეს ქვეყნის ცხოვრება, მათ შორის თვალსაჩინო ადგილი უკავია მერაბ კოსტავას. მერაბ კოსტავა დაიბადა 1939 წლის 26 მაისს, ქალაქ თბილისში, ოღლა დემურასა და ივანე კოსტავას ოჯახში. ბაბუა ვლადიმერ დემურია ცნობილი საზოგადო მოღვაწე იყო. მერაბ კოსტავას პიროვნების ჩამოყალიბებაში ასევე დიდი როლი შეასრულა მისმა

ბიძამ, მსახიობმა და პოლიტპატიმარმა გრიგოლ კოსტავამ (მედეა ჯაფარიძის პირველი მეუღლე). 1946 წელს ის შეჰყავთ თბილისის ვაჟთა I სკოლაში, ხოლო მეცხრე კლასიდან, რადგან მას აღმოაჩნდა მუსიკალური მონაცემები, სწავლას აგრძელებს ზაქარია ფალიაშვილის მუსიკალურ სასწავლებელში. მერაბ კოსტავა ბავშვობიდანვე თავისუფლებისათვის მებრძოლი იყო. მან სკოლაში გაიცნო ზვიად გამსახურდია, მასთან და რამდენიმე თანატოლთან ერთად დააარსა პირველ პატრიოტულ არა-ლეგალურ ორგანიზაცია „გორგასლიანი“. 1956 წლის დეკემბერში თბილისში რუსთაველისა და პლენხანოვის გამზირებზე გაჩნდა იმ დროისათვის გამოგნებული პროკლამაციები – „ძირს პირსისხლიანი კომუნისტები, გაუმარჯოს დამოუკიდებელ საქართველოს“ – რამაც მათი დაპატიმრება გამოიწვია. ამ დროს მერაბი მეათე კლასის მოსწავლე იყო, მაგრამ, როგორც არასრულწლოვანი, 6 თვის მერე გაათავისუფლეს. 1958 წელს ის ათავარებს ათწლეულს და აბარებს თბილისის ვანო სარაჯიშვილის სახელობის სახელმწიფო კონსერვატიაში,

სადაც მისი სადიპლომო ნაშრომი იყო „ბაირონი, დასავლურ ევროპულ სიმფონიურ მუსიკაში.“ კონსერვატორიის დასრულების შემდეგ მუშაობდა რუსთაველისა და თბილისის II სა-მუსიკო სასწავლებლებში. 1967 წლიდან ხდება რედაქტორი ჟურნალისა „ქართული ენა და ლიტერატურა სკოლაში“, რომელშიც აქვეყნებს წერილებს ქართული მუსიკისა და თეატრის განვითარების საკითხებზე. 1972 წელს მერაბ კოსტავა ზვიად გამსახურდიასთან ერთად აყალიბებს საქართველოში ადამიანის უფლებათა დაცვის საინიციატივო ჯგუფს. რეპრესიები მის წინააღმდეგ არ წყდება. 1977 წლის 7 აპრილს ის ზვიად გამსახურდიასთან ერთად დააპატიმრეს და 3 წლიანი პატიმრობა მიუსაჯეს, ხოლო შემდეგ „ხულიგნობის“ მუხლით პატიმრობის ვადა 5 წლით გაუზარდეს და ციმბირში, ქალაქ ანგარსკში გაამწყესეს. 1978 წლის ზაფხულში მერაბ კოსტავა ამერიკის კონგრესის მიერ წარდგენილ იქნა ნობელის პრემიაზე. 1985 წელი, ალბათ, ყველაზე ტრაგიკული წელი იყო მერაბისათვის. ამ წელს ტრაგიკულად დაიღუპა მისი ერთადერთი ვაჟი ირაკლი. 1987 წლის 30 აპრილს პოლიტიკური ზეწოლის შედეგად, 10 წლიანი პატიმრობის

შემდეგ, მერაბ კოსტავა სამშობლოში ბრუნდება. ის მთელი ცხოვრება საქართველოს დამოუკიდებლობისათვის იღწვოდა, 1989 წლის 9 აპრილის ტრაგედიის დროს ის ბოლომდე ხალხთან იდგა და სცენიდან „შველგოს“ მღეროდა. 1989 წლის 13 ოქტომბერს ქუთაისიდან თბილისს მიმავალი მერაბ კოსტავა სოფელ ბორითთან ტრაგიკულად დაიღუპა. მერაბ კოსტავა საკათედრო ტაძრიდან გამოასვენეს და მთაწმინდაზე მწერალთა და საზოგადო მოღვაწეთა პანთეონში დაკრძალეს. მერაბ კოსტავას კალამს ეკუთვნის მრავალი ნაწარმოები, „ფიქრი საქართველოს მისიაზე“, „ფიქრები ქართულ კულტურაზე“ და ა.შ. ლიტერატურული მოღვაწეობისათვის მიენიჭა დავით აღმაშენებლისა და მწერალთა კავშირის პრემიები. 1993 წლის სექტემბერში ქალაქ ზუგდიდში საქართველოს რესპუბლიკის უზენაესი საბჭოს მესამე მოწვევის მეორე სესიამ მას ეროვნული გმირის წოდება მიანიჭა. მერაბ კოსტავა ყოველთვის დარჩება ქართველთა მესხიერებაში როგორც ერთ-ერთი უდიდესი საზოგადო მოღვაწე, თავისი ქვეყნისათვის თავდადებული ადამიანი და ტრაგიკული პიროვნება.

ჯუანხერ ბაბუშიძე

„მასწავლებლის ეროვნული ჯილდო“ ზღაპრულ პედაგოგს ერგო

კონკურსი „მასწავლებლის ეროვნული ჯილდო“ საქართველოში ერთი წლის წინ, 2017 წელს ჩატარდა. იგი კოალიცია „განათლება ყველასათვის – საქართველო“ და „მასწავლებელთა პროფესიული განვითარების ეროვნული ცენტრის“ ორგანიზებით მოეწყო. გამარჯვებული პედაგოგი 5 ოქტომბერს, მასწავლებლის საერთაშორისო დღეს გამოვლინდა და 2018 წლის საუკეთესო მასწავლებელი ქალაქ ზაფხულის №2 საჯარო სკოლის ინგლისური და რუსული ენების პედაგოგი – მანანა კაპეტიაძე გახდა. გამარჯვების შედეგად მიღებულ შთაბეჭდილებებსა და სამომავლო გეგმებზე სასაუბროდ „ჩემი გაზეთი“ ქალბატონ მანანას ეწვია.



– რამ გადაგანწყვტინათ „მასწავლებლის ეროვნული ჯილდოს“ კონკურსში მონაწილეობის მიღება?

– მინდა გითხრათ, რომ საერთოდ არ ვაპირებდი კონკურსში მონაწილეობას. შარშან ჩემმა ვაჟმა – გიორგიმ მთხოვა მეცადა ბედი, მაგრამ არ დავთანხმდი. ვთვლიდი, რომ ეს ახალგაზრდა მასწავლებლების საქმე უფრო იყო. წელს ბალდათელ პედაგოგებთან შესახვედრად კონკურსის შარშანდელი ხუთეულის ფინალისტი და, ამასთანავე, ქალაქ ბალდათის №2 საჯარო სკოლის კურსდამთავრებული – ნათია ფურცელაძე ჩამოვიდა. მან მითხრა, რომ სოციალური ქსელის საშუალებით თვალს ადევნებდა ჩემს საქმიანობას და კარგი იქნებოდა, მეც თუ ჩავერთებოდი „მასწავლებლის ეროვნული ჯილდოს“ კონკურსში. ჩემი სკოლის დირექტორი ლალი აბუხანდაძე, ჩემი ვაჟი გიორგიც მიჩვენებდნენ იმავს და ამ ყველაფრის შემდეგ გადავწყვიტე მასში მონაწილეობის მიღება. ყველაზე მნიშვნელოვანი ის აღმოჩნდა, რომ აპლიკაციის შევსებისა და გადახედვის შემდეგ დავინახე, თუ რამდენი რამ გამიკეთებია ამ დროის განმავლობაში. კონკურსის ათეულსა და ფინალში საერთოდ რომ არ მოხვდებოდი, მაინც მაღალი ვიქნებოდი ნათია ჩემი ნათიას ნახალისებისა და სტიმულის მოცემისათვის.

– რა შეიცვალა თქვენს ცხოვრებაში კონკურსში გამარჯვების შემდეგ?

– კონკურსში გამარჯვების შემდეგ მეტი პასუხისმგებლობა დამეკისრა, ძალიან ხშირად მინევს სხვადასხვა ღონისძიებაზე დასწრება, სატელევიზიო გადაცემებში მონაწილეობა, კონფერენციებზე სიტყვით გამოსვლა. შეიცვალა ის, რომ კონკურსის შარშანდელმა და წლებადანდელმა ათეულის წევრებმა შევქმენით „ათეულთა კლუბი“ და სამომავლოდ რამდენიმე პროექტი გვაქვს დაგეგმილი. ვეცდებით, ჩვენი პროფესიის პოპულარიზაციასთან ერთად მეტ ადამიანს, მეტ ბავშვს შევავყაროთ მასწავლებლობა. ვგეგმავთ, ერთობლივად გავაკეთოთ საზაფხულო ბანაკი, ასევე გვაქვს სხვა აქტივობები.

– კონკურსში გამარჯვების შემდეგ გრძნობთ თუ არა ადამიანების მხრიდან მეტ ყურადღებასა და პატივისცემას?

– რა თქმა უნდა, ვგრძნობ. ეს ჩანს მათ ზარებსა და მოკლევადიან შეტყობინებებში. ადამიანებთან შეხვედრისას, ვისაც ჩემთან მოსვლა ერიდება, შორიდან მიდის. მათ თვალეში სიხარულს ვხედავ. არა მარტო ნაცნობები, არამედ უცხო ადამიანები მილოცავენ გამარჯვებას. ამ მხრივ განსაკუთრებით მინდა ემიგრანტები გამოვიყო. ეს ყველაფერი ძალიან სასიამოვნოა, მაგრამ, ამასთანავე, საპასუხისმგებლო.

– ელოდით თუ არა გამარჯვებას?

– ათეულში მოხვედრა იყო ჩემი ყველაზე მაღალი მოლოდინი, ხუთეულში მოხვედრაზე აღარაფერს ვამბობ. კონკურსში მართლაც შესანიშნავი პედაგოგები მონაწილეობდნენ. თავიანთ სკოლებში ბევრი კარგი რამ ჰქონდათ გაკეთებული, სხვებისგან გამოირჩეოდნენ თავიანთი აქტიურობით, არ იყვნენ სტანდარტული. ამდენად, გამარჯვების შანსი ყველას ერთნაირი გვექონდა.

– თქვენი აზრით, რით გამოგარჩიათ უიურის წევრებმა სხვა ფინალისტებისაგან?

– ვფიქრობ, იმით, რომ მხოლოდ სკოლით და მოსწავლეებით არ შემოვიფარგლეთ. ვარ აქტიური, მშვიდობის კორპუსის მოხალისესთან ერთად უამრავი პროექტი მაქვს გაკეთებული: თუნდაც არი ჰაიერსთან ერთად გაკეთებული საქართველოს დამოუკიდებლობის დღისადმი მიძღვნილი ღონისძიება, რომელიც მასწავლებლის პროგატივით არ შედის, ასევე ბავშვებისთვის პირის ღრუს ჰიგიენასთან დაკავშირებული აქტივობა, მინი ბანაკი „METS CAMP“-ი, გოგონათა კალატურთის ლიგა. ამ მხრივ ძალიან მიწყობს ხელს ინოვაციურ ცენტრში მუშაობა და აქ გაკეთებული პროექტები, მათ შორის Generation/Z -ი.

გარდა ამისა, მშვიდობის კორპუსში მუშაობის 9 წლიანი გამოცდილება. მათი საქართველოში შემოსვლიდან, 2001 წლიდან ვარ მოხალისის პარტნიორი მასწავლებელი. ვფიქრობ, ესეც მნიშვნელოვანი ფაქტია. მთავარი მაინც ის არის, რომ ჩემი მოსწავლეებიდან 12 ინგლისური ენის პედაგოგია. ამასთანავე, ჩემს 2 მოსწავლეს განათლების სისტემაში საკმაოდ მაღალი თანამდებობა უკავია. მინდა აღვნიშნო ისიც, რომ კომისიის წევრები ბალდათში იყვნენ ჩამოსულნი მასწავლებლებთან, მშობლებთან და ბავშვებთან შესახვედრად. როგორც შემდეგ მითხრეს, ყველაფერს ნათელი მოუფინა, როცა ბავშვების თვალეში ჩემდამი ამდენი სითბო, პოზიტივი და სიყვარული დაინახეს. ნათქვამია: ბავშვების

თვალეში არასოდეს იტყუებიანო.

– რა ეტაპები გაიარეთ კონკურსში?

– სააპლიკაციო ფორმის გაგზავნის შემდეგ შეირჩა 30 პედაგოგი. მოგვეთხოვებოდა ვიდეომიმართვის გაკეთება, თუ რატომ ვთვლიდით თავს ათეულში მოხვედრის ღირსად, რაც საკმაოდ რთული გასაკეთებელი იყო. ხუთეულის შერჩევის მიზნით საირმეში ორდღიანი შეხვედრა გაიმართა, სადაც ჟიურის წევრები გვაკვირდებოდნენ, ვინ როგორ წარმოაჩენდა თავს მათ მიერ დაგეგმილ ამა თუ იმ აქტივობაში. ყველანი ძალიან ველავდით, ვინაიდან ათეულის, ხუთეულისა და გამარჯვებულის გამოვლენას შორის საკმაოდ დიდი დრო იყო. ათეულში მოხვედრის შემდეგ იმდენი აღარ მიწერეულია, მაგრამ ხუთეულში რომ ამირჩიეს და გამარჯვებამდე ერთი ნაბიჯი მამორებდა, უკვე ლეღვამ იმატა, თან ყველას გამარჯვების თანაბარი შანსი გვექონდა. მინდა გითხრათ, გამარჯვებას ნამდვილად არ ველოდი.

– გვესაუბრეთ სამომავლო გეგმებზე.

– გარდა „ათეულთა კლუბის“ სამომავლო გეგმებისა, რაზეც ზემოთ გვექონდა საუბარი, ჩვენი პროფესიის პოპულარიზაციის მიზნით იგეგმება „მასწავლებლის ეროვნული ჯილდოს“ ათეულის წევრი პედაგოგების სკოლებში მისვლა. გეგმავთ გაცვლით შეხვედრებს – ისინიც ჩამოვლენ ბალდათში ჩვენს პედაგოგებთან შესახვედრად. ასევე სულ მალე ყველანი მივივაროთ სენაკში კონფერენციაზე, სადაც ჩვენი საუკეთესო პრაქტიკის გაზიარება მოხდება. გესურს, მოვუნოლოთ მასწავლებლებს, რომ უფრო გააქტიურდნენ და კონკურსში მიიღონ მონაწილეობა. ასევე ველოდები მიწვევას შარშანდელი გამარჯვებულის ლადო აფხაზავას სკოლაში.

საუბრის ბოლოს მინდა ვისარგებლო და დიდი მადლობა გადავუხადო ყველას სითბოსა და სიყვარულისთვის, ჩემი სიხარულის გაზიარებისთვის.

მარიამ ლომოქელიძე

2018 წლის 28 თებერვალს საქართველოს პრეზიდენტის პარტიის საპარტიო კაბინეტის სესიის გავლით

თქვენ 6 წლის ვადით ირჩევთ საქართველოს პრეზიდენტს

ამომრჩეველთა საუბარებში
კენჭისყრა იმართება 08:00 საათიდან 20:00 საათამდე

- კენჭისყრის შენობაში შესვლისას ნაკადის მოწმუნებელი კომისიის წევრს წარუდგინეთ პირადობის მოწმუნება ან საქართველოს მოქალაქის პასპორტი და გაიარეთ მასთან მარკირების შემოწმების პროცედურა
თუ აღმოჩნდა, რომ გაქვთ მარკირება, არ მოგეცემათ კენჭისყრაში მონაწილეობის უფლება
- მარკირების შემოწმების პროცედურის გავლის შემდეგ მიდით სარეგისტრაციო მაგიდასთან და რეგისტრატორს წარუდგინეთ პირადობის მოწმუნება ან საქართველოს მოქალაქის პასპორტი
გაიარეთ მარკირების პროცედურა
მარკირებაზე უარის თქმის შემთხვევაში, არ მოგეცემათ კენჭისყრაში მონაწილეობის უფლება
- ამომრჩეველთა სიაში თქვენი გვარის გასწვრივ გააკეთეთ ხელმოწერა
მიიღეთ რეგისტრატორისგან ბეჭდითა და ხელმოწერით დამომზებული საარჩევნო ბიულეტენი

კენჭისყრის კაბინეტი საარჩევნო ბიულეტენში შემოსვლის შემდეგ, აიღეთ სპეციალური კონვერტი და დაეცილი საარჩევნო ბიულეტენი მოათავსეთ მასში

თუ გაგიფუჭდათ საარჩევნო ბიულეტენი, მიმართეთ საარჩევნო კომისიის თავმჯდომარეს, გადაეცით გაფუჭებული და მოითხოვეთ ახალი საარჩევნო ბიულეტენი

კენჭისყრის კაბინეტიდან გამოსვლის შემდეგ, აიღეთ სპეციალური კონვერტი და დაეცილი საარჩევნო ბიულეტენი მოათავსეთ მასში

სპეციალური კონვერტი მოათავსეთ საარჩევნო ყუთში

კენჭისყრაში მონაწილეობის შემდეგ, გთხოვთ, დატოვოთ საარჩევნო უბანი

შეზღუდული შესაძლებლობის მქონე პირებისთვის კენჭისყრაში მონაწილეობის უზრუნველყოფის უზრუნველყოფის მიზნით:

- უსინათლო ამომრჩევლისთვის – ბიულეტენის შესავსები ჩარჩო/ფორმა
- მცირეხედიველი ამომრჩევლისთვის – გამაღიანებელი ლინზა
- ეტლით მოსარგებელ ამომრჩევლისთვის – ადაპტირებულ უბნებზე ხმის მიცემის სპეციალური კაბინა
- ყურ და მხარდაჭერის მიღების უნარი მქონე პირებისთვის – ხმის მიცემის აბსახველი პოსტერი

თუ დამოუკიდებლად არ შეგიძლიათ შეავსოთ საარჩევნო ბიულეტენი, უფლება გაქვთ, კენჭისყრის კაბინაში დასახმარებლად მოიწვიოთ ნებისმიერი პირი, გარდა საარჩევნო კომისიის წევრისა, კანდიდატისა, საარჩევნო სუბიექტის წარმომადგენლისა, პრესისა და მასობრივი ინფორმაციის სხვა საშუალების წარმომადგენლისა და დამკვირვებლისა.

ეს სესიები ადგილობრივი ადგილობრივი და მცირეხედიველი პირებისთვის.
 ყურ და სმენადქვედრებული ამომრჩევლის, ცესკოს ვებგვერდზე რეგისტრაციის შემდეგ საშუალება აქვს სატელეფონო/საინფორმაციო ცენტრში განახორციელოს ვიდეო ბარი და ისარგებლოს ვესტური ენის მცოდნე ოპერატორის მომსახურებით.

თ ვ ი რ ა ნ თ ვ | მ რ |

11 ოქტომბერს ბაღდათის მუნიციპალიტეტს ევროკავშირის მიერ დაფინანსებული „რეგიონალური განვითარების ხელშეწყობის პროექტის“ ფარგლებში სამუშაო ვიზიტით პიტერ ზებერი (გუნდის ხელმძღვანელი რეგიონალური განვითარების პოლიტიკის მხარდაჭერა II - საქართველოში), ზვიად არჩუაძე (პროექტის ექსპერტი) და ნატა კაკაბაძე (პროექტის კოორდინატორი იმერეთში) სტუმრობდნენ. პროექტის წარმომადგენლებმა მუნიციპალიტეტის მერთან არჩილ გოგსაძესთან, ეკონომიკის სამსახურის უფროსთან მირიან ფულარიანთან, LED ოფიცერთან თინა აბულაძესთან და ადგილობრივ მწარმოებლებთან სამუშაო შეხვედრა გამართა – გააცნო პროექტის მიზნები და პრიორიტეტები. აღნიშნული პროექტის ფარგლებში ევროკავშირი ხელს შეუწყობს მუნიციპალიტეტში ინტეგრირებული პროექტების განხორციელებასა და გადამამუშავებელი მრეწველობის განვითარებას.

ბატონმა არჩილმა სტუმრებს წარუდგინა მისი ხედვა მუნიციპალიტეტში ეკონომიკური განვითარების, ადგილობრივი მწარმოებლების საჭიროებების, პრობლემური საკითხების, გადაჭრის გზებისა და განვითარების შესაძლებლობების შესახებ, განიხილეს კერძო სექტორის წინადადებები. მუნიციპალიტეტში ეკონომიკური განვითარებისთვის კერძო სექტორის კონკრეტული საჭიროებების კვლევას, პროექტის მოთხოვნებთან შესაბამისობის იდენტიფიცირებასა და პროექტის ხელმძღვანელობისთვის წარდგენას მუნიციპალიტეტის მერია უწყვეტ რეჟიმში გააგრძელებს.

ევროკავშირის მიერ დაფინანსებული „რეგიონალური განვითარების პოლიტიკის მხარდაჭერა II – საქართველოში“ პროექტის ფარგლებში, 2017 წელს, შემუშავებული და მიღებული იქნა „საქართველოს რეგიონალური განვითარების პროგრამა 2018-2021“. საპილოტედ შერჩეულია სამი რეგიონი: იმერეთი-რაჭა-ლეჩხუმი, გურია და კახეთი. ამ ეტაპზე დაწყებულია საპილოტე რეგიონების საჭიროებების, პრობლემური საკითხებისა და გადაჭრის გზების კვლევა, ასევე პროექტის მოთხოვნებთან შესაბამისობის გამოვლენა.

18 ოქტომბერს ადგილობრივი დემოკრატიის სააგენტო საქართველომ ბაღდათში პროექტის – „მოქალაქეთა ინიციატივა ანგარიშვალდებული თვითმმართველობისათვის“ პრეზენტაცია გამართა. პროექტის მიზანია უზრუნველყოს ბაღდათის მუნიციპალიტეტში ეფექტური თვითმმართველობის განხორციელება, ხელი შეუწყოს გადამწყვეტილების მიღების პროცესში მოქალაქეთა ჩართულობას. შეხვედრის ბოლოს ბაღდათის მუნიციპალიტეტსა და ადგილობრივი დემოკრატიის სააგენტო საქართველოს შორის გაფორმდა ურთიერთთანამშრომლობის მემორანდუმი, რომელიც მოიცავს პარტნიორულ ურთიერთობებს ადგილობრივ თვითმმართველობასთან, სოციალური ანგარიშვალდებულების ხელშეწყობას, ინკლუზიური დიალოგისა და პოლიტიკის შემუშავების პლატფორმების შექმნას, საზოგადოების მობილიზებასა და ცნობიერების ამაღლებას.

პროექტი დაფინანსებულია „ძლიერი სამოქალაქო საზოგადოება ეფექტიანი თვითმმართველობისთვის“ პროექტის ფარგლებში და ხორციელდება world vision საქართველოს, საქართველოს ახალგაზრდა ეკონომისტთა ასოციაციის (საეა) და საქართველოს სოციალურ მუშაკთა ასოციაციის მიერ ევროკავშირის ფინანსური მხარდაჭერით. პროექტის პრეზენტაციას ადგილობრივი თვითმმართველობის წარმომადგენლები და მონვეული სტუმრები ესწრებოდნენ.

ვლადიმერ მაიაკოვსკის სახლ-მუზეუმს 19 ოქტომბერს განსაკუთრებული სტუმრები ჰყავდა შევედითიდან. ბენ იანგველდტი – მაიაკოვსკის შვედი ბიოგრაფი, შესანიშნავი მწერალი, ამჟამად წერს ნიგნს ალფრედ ნობელზე. თომას ტიდენი – ნობელის საზოგადოების ხელმძღვანელი, ნობელის შვილთაშვილი, ვადიმ აზბელი – შვედეთის ბიზნესის ისტორიის ცენტრის არქივისტი. სახლ-მუზეუმისა და ლიტერატურული სალონის დათვალიერების შემდეგ შედგმა სტუმრებმა თავიანთი შთაბეჭდილებები „სტუმართა ნიგნში“ ჩაწერეს. 20 ოქტომბერს კი ბელარუსის რეპუბლიკის ტურისტული კომპანია „ცენტრკურორტის“ 20-წევრიანი დელეგაცია (კომპანიის მენეჯერი, სხვადასხვა ტურ-ოპერატორების წარმომადგენლები, ჟურნალისტები) ეწვია. კომპანია 16 წელია არსებობს და მისი საქმიანობის მთავარი მიმართულება სხვადასხვა ქვეყნების კურორტ-სანატორიუმების პოპულარიზაცია და დამსვენებლების მოზიდვაა. საქართველოში ვიზიტის მიზანი ჩვენი ქვეყნის კურორტ-სანატორიუმების – ახტალა, წყალტუბო, ბორჯომი, ურეკი და საირმე – გაცნობა და პოპულარიზაციაა. კურორტ საირმით დაინტერესება გასაკვირი სულაც არაა, არც ის არის გასაკვირი, რომ საირმესთან ერთად ბელარუსთა ყურადღების ცენტრში ვლადიმერ მაიაკოვსკის სახლ-მუზეუმიც მოექცა. სახლისა და ლიტერატურული სალონის დათვალიერების შემდეგ, სტუმრებმა ბაღდათელ მევენახეთა ღვინოებიც დააჭაშნიკეს და ტრიო „იმერეთის“ ტკბილ-მოვანებითაც მოიხიბლნენ.



რუბრიკა „ნიჭიერი თაობის“ ამ თვის სტუმარი პატარა ხელოვანი მარიამ გელხვიძეა. ნიჭიერი შემოქმედი მორიდებული რესპონდენტი აღმოჩნდა, ამიტომ „ჩემი გაზეთი“ დედას – ქ-ნ ნინო ეგუტიძეს ესაუბრა. მარიამი 2011 წლის 1 თებერვალს დაიბადა. პატარაობიდანვე განსაკუთრებული ინტერესით გამოირჩეოდა ხატვისადმი, 3 წლიდან კი პლასტილინისაგან ძერწვა დაი-

ნიჭიერი თაობა

წყო. თოჯინებს, თავისი დიზაინით, პლასტილინის კაბებს აცმევდა. ამ საქმისადმი განსაკუთრებული სიყვარულისა და შრომისმოყვარეობის გამო მშობლებმა ქ. ქუთაისში მოღვაწე მოქანდაკეს კაკო კიკვაძეს აჩვენეს, მას ძალიან მოსწონებია პატარა ხელოვანი და მშობლებს სთხოვა ჯერჯერობით თავის ფანტაზიით იმუშაოს, სპეციალურ პედაგოგთან კი როცა წამოიზრდება, შემდეგ მიიყვანეთო. მარიამის ნამუშევრებით ასევე დაინტერესდა სამხატვრო გალერეის ხელმძღვანელი გოგი ლომთაძე, მან ახლო მომავალში პატარა ხელოვანის გამოფენაში მონაწილეობაც არ გამოირცხა. მარიამის ნამუშევრები 2016-17 წლებში სახალხო დელსასწაულ „ბაღდათობა“-ზე იყო წარმოდგენილი, გარდა ხატვისა და ძერწვისა, მარიამი მუსიკის მოყვარულიც არის. საუბრის დასასრულს მარიამმა დაბეჯითებით განაცხადა, რომ, როცა გაიზრდება „მხატვარი, მძერწავი და დიზაინერი გამოვა“.

„ჩემი გაზეთი“ წარმატებას უსურვებს მას, დაე, მალე ეამყოს ბაღდათს მარიამის მიღწევებით.

აზა მამანეიშვილი

წმინდა ანსტასიის ღვინოსების სახელობის ტაძარი

18 ოქტომბერს ვანი-ბაღდათის ეპარქიის სოფელ წყალთაშუას წმ. ანასტასია ფერსათელის ტაძარში, წმინდანის ხსენების დღე და ტაძრის დღესასწაული აღინიშნა. ეპარქიის მღვდელმსახურებმა საზეიმო წირვა აღავლინეს.

საქართველოში წმ. ანასტასია ფერსათელის სახელობის ეკლესია ძალიან ცოტაა. ერთ-ერთი მათგანი კი ბაღდათის მუნიციპალიტეტში მდებარეობს. ეკლესიის შესახებ საკმაოდ მწირი ცნობებია შემორჩენილი. სავარაუდოდ, ანასტასია ფერსათელის სახელობის დედათამონასტერი მე-9 საუკუნის მეორე ნახევარში და მიეკუთვნება გრიგოლ ხანძთელის მიერ ტაო-კლარჯეთიდან დაწყებულ სამონასტრო მშენებლობათა წყებას. დროთა განმავლობაში იგი თანდათან დაზიანდა და დაინგრა, ტაძარი XVII ს-ში აღადგინეს. საბჭოთა პერიოდში ეკლესია ისევ დაზიანდა, თუმცა კვლავ შეაკეთეს. ძველი ეკლესიის საძირკველი დღემდე შემორჩენილი. წირვა-ლოცვა დღეს მოქმედ ტაძარში 2010 წლის 18 ოქტომბერს განახლდა.



საქართველოს ისტორიაში ბევრი წმინდანის სახელი ვიცი, მათი უმრავლესობა მამაკაცია. მაგრამ არსებობენ წმინდანი ქალებიც: წმ. შუშანიკი, წმ. თამარი, წმ. ქეთევანი და ა.შ. მათ შორის იხსენიება წმ. ანასტასია ფერსათელი.

წმ. ასურელი მამების მოღვაწეობის შემდეგ, სპარსელთა და არაბთა შემოსევების გამო, საქართველოში შენელდა სამონასტრო ცხოვრება, მაგრამ VIII-XIX საუკუნეების მიჯნაზე გრიგოლ ხანძთელის მოღვაწეობით ისევ აღდგა სამონასტრო ცხოვრება საქართველოში, ამაში წმ. ანასტასია ფერ-

სათელმაც შეიტანა თავისი მცირეოდენი წვლილი. ის წარმოშობით აფხაზთა სამეფოდან იყო საერო სახელით – ბევრელი, რომელიც იყო ამოტკეპულაპარატის უფროსი შვილის – ადარნასეს ცოლი. როგორც დედოფალი, დიდ დახმარებას უწევდა მერეს დედათამონასტერს. იგი ცილისწამებების გამო, რომლითაც დედოფალს ადანაშაულებდნენ ქმრის ღალატში, იძულებული შეიქმნა სამეფო მოსახლეობის მონაზონის ანაფორაში გაეცვალა და სახელად ანასტასია დაირქვა.

წმ. ანასტასია სიცოცხლის ბოლომდე ფერსათის დედათამონასტერში მოღვაწეობდა, სადაც ის ყველაზე მძიმე მორჩილების საქმეებს აღასრულებდა.

წმ. ანასტასია სიცოცხლეშიცა და გარდაცვალების შემდგომაც ბევრ სასწაულს ახდენდა. მისი ლოცვაკურთხევით მძიმე სნეულებისაგან განიკურნა ყოფილი ქმარი ადარნასე, ხოლო წმინდა ანასტასია ფერსათელის გარდაცვალების შემდეგ მის საფლავთან განიკურნენ შვილები გურგენ კურაპალატი და სუმბატი. ამან დასაბამი მისცა სხვადასხვა სნეულებით შეპყრობილთა განკურნებას წმინდანის საფლავთან. სამწუხაროდ, დღესდღეობით, არავინ იცის, თუ სად არის დასვენებული წმინდა ანასტასია.

ჯუანხურ გუგუშვილი

ბაღდათის მუნიციპალიტეტის ა. (ა.) ი. შ. ხელოვნებისა და კულტურის განვითარების ცენტრი საქართველო, ბაღდათი, ჯახიანის ქ. №3
ტელ: 595 538 536; 591 00 76 54
ელ ფოსტა: chemigazeti@gmail.com

რედაქტორი ანა ქორიძე
ტექნიკური რედაქტორი ლაშო ჟიფიანი
„ჩემი გაზეთის“ გუნდი:
მარიამ ოქროჭელიძე, ანკელინა ჭავჭავაძე,
აზა მამანეიშვილი, ნინო სახამბერიძე,
ფოტო: ანა ფხალაძე

გაზეთი დაჯავადონდა
ი/მ მამუკა ჭოლაძის მიერ
ლაიბეჭდა
შ.პ.ს. „ქოლოში“